

***Киын кута ме важ фотокарточка...***

Вөйна... Мыйта тайö кывъяс дойыс... Тайöс тöдöны сöмын найö, кодъяс дорйисны Айму, дорйисны миянöс, öнiя олысьясöс, найö, кодъяс эз петны тышъясысь, сетiсны ассъыныс ловнысö миян шуда олöм вöсна, найö, кодъяс эз аддзывны сэсся некор ассъыныс муса пияннысö, верöсьяснысö, вокъяснысö. Некод миян костысь оз вермы тайöс помöдз кывны пытшкöснас. Вөйна – тайö вывтi сьöкыд кыв, и некутшöм мöд кывйын абу чукöрмöма сы мында синваыс, вирыс да пöсьыс, кодöс кисьтiс челядълöн чöскыда узьöм вöсна, лöз енэж вöсна да пармалöн лöня шувгöм вöсна быд салдат.

\*\*\*

Ме думысь, ставлы тöдса тайö көрыс, кор пуяс вылын потöны медводдза коръяс, сэтшöм ичöтöсь на, югыдтурунвижöсь, сираöсь, быттö кодкö, пока некод оз аддзы, найöс öдйö мавтыштöма маөн. Сöмын тайö дукнас чöсмасьöмөн лэччис туй кузя кык кузь да пелькиника кыöм көсаа Машук. Талун нывка кутiс туйсö креж дорын сулалысь уджач киөн тшупöм ичöтик да пöрысьмöм нин керкаö, көнi олiс сылöн муса Марпа пöчыс. Машук зэв тшöкыда ветлiс пöч дорас, отсасис керкадор уджъясас, öтлаын найö кыисны кепысьяс, пöжалiсны пöсь нянь, пуисны йöрас быдмысь öмидз тусъысь варенньö. Некор эз вöv гажтöм нывкалы варов пöчкöд. Найö вöлины медся бур ёртъясөн: Машук пыр юксис Марпа пöчкöд став гусяторнас, став сьölöмкылöмнас, а пöч пыр вермис вочавидзны став юалöм вылас да велöдны бурас.

Талун луныс вöли югыд, шондiа, и пöчлөн кильчö содйыс косъмöма, и пуысь вöчöм лабичыс, и öшинь рамаыс. Потшöс вомөн öшалiсны керкаысь петкöдöм уна рöма джодждöраяс – тадзи найö косъмисны мыськалöм бöрын. Кокни тувсовъя тöвру öвтiс шоньдөн, гөгөр ставыс ловзис, чуксасисны пуяс вылын лэбачъяс, быттö ас костаныс варгисны-сёрнитiсны шоньд гожея кад воём йылысь. Маша ньöжйöника осьтiс дзиръясö, кокниа жбыркнитiс-пырис йөрö да пöдлалiс каличсö ас бөрсяыс. Öшиняс тыдалiс нин пöчлөн нюмъялысь шань чужöмыс. Машук воча нюмъевтiс да öвтыштiс кинас дона мортыслы. Öдзöс осьтöм бöрын нывка став морöснас апыштiс неважөн на пöжалöм шаньга көр. Пöчö кисьтöма нин косьтöм öмидз коръя пым чай, тайö коръяссö пöч да Машук кыкөн öктiсны колян гожöмнас, унаысь нывка йöнавлiс коксö, а бöрыннас пöч мавтiс дойманiнъяссö кутшöмкö мазьөн.

Пöчлөн пызан вылын вöли тэчöма быдпöлöсторйыс: и дозмук, и ичöтик көрöбъяс. На костын вöли аслыспöлöс мича открыткаысь лöсьыда вурöм

дзоляник шкатулка. Машуклысь синсö сійö сідзи и кыскис ас дорас. Пöч тайöс казяліс да нюмдіс:

– Мый нö, Машук, ёна тай кыскö видзöдластö мичаник көрöбыс? Сійöс тэнад мамыд на челядьдырйиыс вурліс-мастеритіс, унаысь эськö чуньсö юковтліс емнас, но уджсö эз чöвт. А öні сэні ме видза важ фотокарточкаяс. Мöдан кө, видзöдлы, жалюкö...

Машук окотапырысь восьтіс шкатулкасö, коді сэтшöма нин кыскис аслас югъялысь мыгөрнас. Пытшкöсас куйлісны кымынкö важ фотокарточка да пемдöм кизь. Медводз нывка кыскис небыд чуньяснас фотокарточкаяссö, на костын вöлі öти зэв важиник. Пöчыс казяліс нылуклөн синъяс серти, мый Машлы ёна окота тöдмавны, коді тані фото вылас. Öти бöрся мöдöс сеталис нучкаыс пöчлы юалöмъяс, а ань сöмын довкйöдліс юрнас да меліа нюммуніс. Маша некор эз аддзыв тайö фотояссö, Марпа пöчыс эз петкöдлы найöс сылы. Фотосянъ видзöдö Машук вылö тöдтöм том морт: вушйысьöм гимнастёркаа, коскас паськыд, топыда зэлöдöм кучик ремня, юрас – кодзула пилотка, кокас – сьöд сапöг. Татшöм паськöма йöзсö нывка аддзыліс сöмын телевизор пыр, вöеннöй киноясын, и сылы лои окота тöдмавны, коді тайö. А сулаліс том зонмыс кутшöмкö тöдтöминын: ыджыд ён жугласьöм керка выліын. Машук бергöдліс киас фотосö, сійö вöлі важсьыс-важ, сьöда-еджыда, пемдöм, дзик ставсö он и вермы гөгөрвоны сэтысь, но зонлөн мыгöрыс бура тыдаліс. Марпа пöчыс ньöжйöника пуксис дöраөн вевттьöм лабич вылö, нучка бердас, да заводитіс асьыс висьтсö. Тайö шензьöдана фотокарточкасö пöч видзö зэв нин дыр, фотолөн пö аслас олан туй. Тані, вөлöмкö, пöчлөн батыс.

Гриша нима зон оліс аслас чужан сиктын, оліс сы кодъ жö дас квайт арöса зонъяс моз. Сійö весиг эз вермы мöвпыштны, мый регыд олöмыс бергöдчас мöдарлань, и вöйналөн руд кымöрыс вевттяс том кадлысь югыдлöз енэжсö. Айму вöсна тыш заводитчис 1941-öд воын, 1942-öд воын дас сизим арöса Григорийöс босьтісны фронт вылö. Сьökыд вöлі кольны чужанінсö, но ковмис, öд вөрөгъяс, фашистъяс, вермисны дзикöдз бырöдны тайö дона мусö, дзугны тані визувтысь шуда олöмсö, вөрзьöдны чöскыд вöтъяс аддзысь челядьöс. Айму вöсна позьö и лов пуктыны – тадзи мöвпаліс сэки быд салдат.

Гриша медводз веськаліс Сталинград дорын мунысь тышъясö, сэні зенитнöй артиллерийскöй полкын лоис рядöвöй пулемётчикөн. Медводдзаысь аддзис том зон, кыдзи кулалöны та мында йöз, быттьö пö вошöны, быттьö пö некор абу вöвлöмаöсь тайö му вылас. Тайö тышъясас сылы медводдзаысь морöсас öшöдісны биөн югъялысь «За оборону Сталинграда» медаль. Рад ли, абу ли – эз тöд зон, öд сымый орччөн сулалысь морт вöйисны войналөн лов сёйысь вомö. Водзö тышкасис вөрөгкөд Григорий Дондорса, Шөр да медводдза Белорусскöй фронтъяс

вылын, уна мый аддзыліс. Вёлі ёна сьёкыд, быд лун мунісны таладорысь найё, кодзясёс лыддин медся матысса ёртъясён. Тайё вёліны ёна сьёлём дойдана здукьяс, и быд рыт тэ мёвпалін сы йылысь, мый аски сідзжё водан муё и сэсся некор он аддзыв котыртё. Быдён көсйис овны на, но ёні тані ыджыдаліс война, и сёмын сійё тёдіс, коді кутас овны, а коді нэм кежлё коляс тайё вирён кисьталём видзяс вылас.

1944 воын моз тёлысся 9-ёд лунё Гришалы вёлі нёшта на сетёма «За Отвагу» пёртмасьысь медаль. Сэтшём донаён лоис тайё аддзывтём на гёгрёс дзирдалысь медальыс, но эз сёмын сійё вёрзьёд Гришаёс. Командованиелён приказын вёлі гижёма, мый вёрёгъяслён самолётъяс усьласигдырйи солдат эз повзъы осколокъясён доймёмысь и водзё нуёдіс вёрёг кузя бисё. Сэки зонлён юрас бергаліс сёмын ёти мёвп: «Оз позь сетчыны горш фашистлы, оз позь...». Тайё мёвпыс и отсаліс кольны ловьяён, мёвпыс содтіс вынъяс... А сійё, том вир-яяс сатшкысьём осколокъясыс, пыр кежлё колисны сы пытшкын, олём помёдзыс найё сетісны ас йывсьыныс тёдны. Тайё дойыс некор эз сет вунёдны вёйнадырся лёк кадсё.

Том морт бурдёдчыштём бёрын бара на муніс фронт вылё, нинём эз вермы торкны сылысь тайё мёвпсё. Став сьёлёмнас да ловнас зон көсйис воёдчыны Германияёдз, Берлинёдз, медым аддзывны ас синмён, кызди штурмуйтасны Рейхстаг! – сэки тайё вёлі медыджыд көсйём быд солдатлён. Но эз быд солдат вермы овны тайё шуда здукёдзыс. А Григорийлы мойвиис ас сапёгъяснас талялявны туй СССР-сянь Берлинёдз, мудз вылё видзёдтөг, ёд повтём салдатлён быд воськов водзё матыстіс миллионъясён виччысян Победасё!

«Пулемётчик ЗПР гвардии рядовой Сметанин в боях с немецкими захватчиками проявляет образцы мужества и отваги», – тайё кывъяссё бёрынджык лыддям Гришалён наградной лист вылысь. Зонка бура тёдіс, Победа матын, оз позь личёдчыны, та вёсна вёлі вёчёма нёшта ёти подвиг. Берлин дорё матыстчигён, а сэсся Берлин пытшкын, сьёкыд тышъясын зон вермис вёрёглысь самолётъясён нелямын куимысь уськёдчылём, и весиг артмис уськёдны ёти истребитель. Вир-яяс содіс нёшта ёти дой, но кольны стройсё зон эз көсйы, эз сетчы фашистлы и водзё лыйсис. Таысь 1945 вося ода-кора дас квайтёд лунё Григорий Сметанинлы морёсас ёшёдісны выль награда – коймёд тшупёда Слава Орден. Коді босьтіс сы мында вын! Но салдатлён көсйёмыс пёрис олёмё, ёні сьёлёмын кыліс ёттшётш и радлун, и дой: ёд уна тóварыш, кодкёд ёттшётш дорйисны Чужан мусё, оз аддзы Победалысь шуда би: кодкёяс эз лоны войналён медводдза луньясё, а кодкёяс мунісны войналён медбёр лунас... Сьёкыд. Вывті сьёкыд та йылысь мёвпавны...

Ёні абу нин прёста Гриша, а рядёвой Григорий Сметанин, кызь арёса том морт, коді вуджис дзонь война, видзёдіс смертылы синмас и воис гортас, Коми

муас, ловьяён. Коми стрелок вайис морёс тырыс медаль, а вир-яас – снаряд осколокьяс, кодьяс эз сетны тырвыйё бура радлыны олёмлы, вёйналён дой пыр кыліс кучик улын и пальёдіс вежёрын медся страшнёй казътылёмьяс.

Фронт вылысь вайис аскёдыс Григорий Калистратович и тайё фотокарточкасё, кодёс кияс кутіс Машук. Ёні нывка тёдіс, мый сылён прадедыс герой, мед кётъ и абу нин ловья, сы йылысь мёвпьясыс кутасны овны Маша вежёрын зэв на дыр. Григорий пёрысь пёлыс сулалё Рейхстаг стен дорын, сэтшём том да мусаник, сэтшём ыджыд герой! Пёч сёлёмсянь висъталіс батъ йывсьыс, мый ёна радейтліс сійёс да пыдди пуктіс, видзис тайё фотокарточкасё медся донаторсё моз, мый сылён эм. Григорий вёйна вывсьыс локтём бёрын ёдйё отлаасис радейтана нывкёд, Феклакёд. Олісны найё зэв шаня, чужтісны дас оти челядьёс. Фекла лоис мать-героиняён, сылы сетёма куим Материнскёй Слава орден. Вот татшём шуда котыр артмёдісны вёйна вылысь локтём герой да тылса зіля уджалысь анъ. Челядьыслы да нукьясыслы Григорий Калистратович абу радейтлёма висътавны шуштём вёйна кад йылысь, сёмын медтёдчанасё.

Маша пукаліс чёв, эз тёд, мый, шуны. Сійё вёлись помёдз вежёртіс, мый пёлыс збыль герой и шуда морт. Марпа пёч меліа видзёдіс нучка вылас, а сёсся босьтіс нярмыштём чуньясас шкатулкасьыс пемдём кизьяссё, мёвпалана синьясён видзёдігмоз бергёдлыштіс тытчё-татчё и шуис, мый найё батыслён гимнастёркасьыс на. Ачыс батыс коркё уна во сайын, кор пёчё вёлёма на Машук кодъ ичотик нывкаён, сетлёма Марпидушка нылыслы, медым ворсас да видзас и пыр помнитас батъсё. Тайё кывьяс бёрын пёчлён вёйыштём синьяс дорас сёдзтысисны ичотик синва войтъяс, кодьясёс сійё ёдйё чышкышіс пыр партук зептас новлёдлан носовик дёраён, а сёсся кокниа нюмъёвтіс, казътыштіс, мый таво война сувтёмсянь сизимдас вит во, ыджыд Юбилей, батыс эськё вёлі зэв рад талы...

Тайё здукас Машалён сёлёмас поздысис кутшёмкё аслыспёлёс радлун, нывка шамыртіс пёчыслысь кисё и быттьё юксис аслас пытшкёсса шоныднас. Пёч да нучка топёдчисны. Ёні Машук тёдіс, код йылысь кутас гижны школаын Победалы сійём сочинениесё...



**Изъваса повтѳм зон Сметанин Григорий Калистратович  
воис Рейхстагѳдз  
(Олан вояс ?.12.1924-3.04.1990)**

*Истомина Дарья, 10-ѳд класс*

*Ода-кора ѳкмысѳд лун...  
Тайѳ луныс некор оз вун.  
Быдѳн помнитѳ, тѳдѳ,  
Кутиѳм съѳкта Победа шедѳ.  
Быд ветеран тайѳ лунѳ  
Парад вылѳ збоя мунѳ,  
Морѳсас уна медаль,  
Пѳчьяслѳн мышканыс шаль,  
Уна гѳрд дзоридз кыин,  
Георгиевскѳй лента на пиын.  
Тѳ лентасѳ морѳсад ѳшѳд  
И ѳртъястѳ сы вылѳ ышѳд.  
Сѳки вежѳрысь некор оз вун  
Ода-кора ѳкмысѳд лун.*

\*\*\*